

ALL NATIONS GOSPEL PUBLISHERS



www.angp-hb.co.za



info@angp.co.za

Ngarkam Dé

ké

Kutram kigo ndilt

Bakumta nyag ki gir 10 inñ ojin dö
nyag kidangdang kam ngarkam dégt.

ALL NATIONS GOSPEL PUBLISHERS
P.O. Box 2191, PRETORIA, 0001 R.S.A.

(Ngèrakillà maktub hoita kimaj kitakul kadkarig lo Ngèkadrotag).

**Ngarkam Dé,
Kuj kikunjrang lo Lubah ké kuj ra killà lo Su!
I Jean 3:4-10**

Maktub inten i maktub kikij al. Dassabang té Francet toi ɓal ɓujo na i nya ronel kibobè kiro dubu dégt ngaiɓè. I kutram kigo ndilt in dég ngaiɓè a on nè jikindi kigo ndilt tit inhaɗ Luɓah kidön o'n yé bè. Kam mbi maktubgt inten dég koossg bè gerin ngarkamdi kimajal na kitakul torndi la ngahn nè ngarkam kikij ki ndil kikij.

Lon i tida maktub inten i ga kami döt kad i kutram ki i ra tög ko'n ngarkami i kiɓé kidöi. Ad i ngèkadrota Christ al, ké ngèkadrota, ké dé ki kama köngköng, ké ngemajta, a ngah ndil bakumta roi tit inhaɗ Luɓah oa'n. Ro Luɓaht ta'anè kor dé danna goto. Luɓah ndi o ngarkam dé.

Su i bob takibal, i ngar lo til, i luɓah ki koht inràn. Tel ron malaika ki kunj na i malaika ki kunj al tit inhaɗ dég ngaiɓè ndi on nè, na ndig telin tita a öj go bakumta nya tit inhaɗ in'n. Tit kimari yé, titbè tö kam ndögt loji ka'a, ngombangkilag kingöm inñ nö. Inten i tit inhaɗ Su kidön tel ron malaika ki kunj – tida 2 Cor. 11:13-14. Su i luɓah ki koht inràn, tö kum hankal dég rum naɓéta on hoita kimajtoi lo kunj Christ – tida 2 Cor. 4:4. Ngéramajalg tubè ki ngékam köngköng inñ kikwoi, inñ mundog nö Luɓaht kigo lo duniat ki ngar loa ki ndil in ndi ra killà tajigla kam dégt ki ngételro go tat lo Luɓah al – tida Eph. 2:1-2. Naɓéta kumdi té dö nujköt lodi, aouin kiring ki lo nujköt kimɓan kinöt. Dé in el an: M'ra majal al, anè ndi gool ron ta gool.

Lon i ndi tida mbi maktub inten na i ndoo bakumta nyag ki tit i ra tög ko ngarkami inñ kiɓé kidöi. Oot kög roi nya in Luɓah adi ki öji ngarkami. I ger majalg loi na oot ɓad takini

kitö Ta lo Luḅah elji an: Inla ki ndi ki j'an majal loji goto anè ki ndi ki gool roji ta gool, rota goto kamjit. Inla ki tö taji dö majalgt loji anè Luḅah i ngèra nya kiro, i kidannaseou, a nya go majalg loji kö, a arji kö dö nyarajit kigootal tubè - tida 1 Jean 1:8-10. Moss Jésus Christ Ngwon Luḅah a arji dö majalgt tubè - tida 1 Jean 1:7. I tel roi go tat lo Su, ké tel roi go Tat lo Luḅah? I ḅer lo majal ké ḅer lo Luḅah? Inla majal ndi ori tarob go ndit loi kidödön anè, oot maj ta! Maj toi, i ko kidö Luḅaht in ra ron woi ki n'aj dég kitakul Jésus Christ in ré doningt nè kitö kaj ngéramajalg, tet tög in Su aou'n dö majalt. Christ i Ngèbadöji. In nö Lubaht Ngèkunjrang, Ngéko nya ki gid tilt, tagag ki killàrag ki loyarot tubè loi. I root al kad i ya roi nö Luḅaht. Ké a i ḅö dö killà loi kitö dé in ra mbii yé! in kibé a o dö ta al é? Dé in nda kumi yé a o lo al é?

“Kitö Braḅé nda kumn dö doningt kitaagbé ki n'ra ki ingin ngarkamdi tubé i dönt”. 2 Chron. 16:9.

“Kitö Luḅah o killàra dég tubè. Takuma i kidö dét kirei. Til kidib ké ndil kwoi in ra tög ya dö ngéragootalg goto”. Job. 34:21-22.

“Na Jésus kidön ger dég tubè, kitö in kibé kidön ger nya ki ndi kam dét ḅet”. Jean 2:24.

Kitö inten “Ngèronel la i dé in Braḅé nya go toidötag loa kö. Ngèronel la i dé in Braḅé ndi tida ragootal kidöat al, ndando goto taat”. Tida Ps. 32:1-2. Ps. 51. Jésus ndi kunji ḅola ḅaitö an: I rén kiromt inḅ dég tubè ingin ndi orin, inḅ ngéto nya kikoi, Miḅ la m'a m'adsi takò kitö rosig. Matt. 11:28-30.

J.R. Gschwend

KOR GIR BAKUMTA NYAG

Bakumta nya kidassa



NGARKAM DÉ KI NGÉRAMAJAL

Bakumta nya inten öj go ngarkam dékidinga ké dékidén in adrota al. I dunja, Bible kuna ngèramajal, ad i ndil dunia la ndi ora tarob kitakul nyurköng ki kumnda. Inten i bakumta nya kikam dét jéjé +it inhañ Lubah oa'n. Kum kikiré pirir öj dö ngékassra tit in el kaa maktub Tertagt - tida Ter. 23:29-33.

Nö ndi ki kamkil? Nö ndinga ndo a? Nö ndi köl a? Nö ndi gak a? Nö ndi sah dé ki ta a? Nö ngah do kikanj ta a? Nö kuma kiré ad o lo ngaiñ al a? Dég ngéndi kök ta kasst iñ titbè. Dég iñ aouin kad n'ödin kass kiburnat tadit n'on iñ titbè tö. Oot ko kass kikiré pirir, ndi ɓa njumnjum kam ngot nö, kaoua ki köit söl lömlöm, got gog dön dé tit li bè, a ga dé tit li ngandam bè. Kumi a o nyag kidangdang na kami a adi el tag kigorobatal.

Bakumta nya inten öj ngarkam dé in jiniss dang kidangdang ndint. Bakumta dang inten öjin go majal koossg tit kan hañ ngarkam dé i londi lo majalg loji. Luɓah elji ta kitakul ngékelta kitant Jérémie an: Ngarkam dé rug göligöli toi nyag tubè na i kimajal. Nö ass gera a? Jér. 17:9. Jésus kidön ma naja an: Kitö ko kèmé, ad i ko kam ngarkam dégt la tagag kimajal ndi tént, ben ki ra ki ɓoog ki töl dé, maru, kumnda ki majalg ki ra kidangdang, ndokum, ki kaia ki ra, jang ki tag kimal ki döngang. nyara kigo lo ɓoodt. Nyag kimajal inten tubé, ko kèmé la ndi tént, telin dé kiyert yé — tida Marc 7:21-23.

1. **Yel Paon** — Dég tubè on majko lo yel Paon, neldi ngaiñ tö. Kam bakumta nya inten j'o yel inten öj dö majal in i dösir. Lucifer i malaika lo Luɓah in ketté mari i kibo toi malaikag tubè na so kita dösir ad tel madngèta 'Luɓah. Tö Lucifer kimad i Su, Satan ké Diable — tida Es. 14:9-17., Ezéchiel 28:12-18.

Dösir ɓai ko kam tilt kokiro Sut in öj ron tit malaika lo til al bè. Dösir, ad i döngang öj ron ki rob kidangdang ki buro kiga kita dañro kimaj ki nyamajg ki la rot tit kub kimajmaj ki killa ninga ki la nganjit — Esaïe 3:17-24, Dég madg gan buro kita girkadig ki girdég lodi ki nyager lodi ki tögdi kingaiñ. Luɓah ndi ta rö ngédöngang na ndi öj kamkeñ dé kisölg — 1 Pierre 5:5. Luɓah mbat ngédöngang ki ngèba tan kidön — Ter. 8:13. Döngang i ketté nö nujköt, hal dé ki ngèba tan kidön i ketté nö sot — Ter. 16:18.

2. **Bal binya** — öj go nyurköñ ki dañrot, kumnda, kaia, ben ki ra, maru kihö. Majalg inten bilan kidötdöt dökaglot kitajigla in i kaglo kidöboit ki majal. Bassag ki mandg, dékidingag di dékidéng, ndil inten ndi ra killà kam dégt ngaiñbè

tajigla, mban ngékadrotag ka'a ran nya kititbè tö. Töлта ndilkindö lo Brabé Jésus Christ. Nain nderbè kad bal dubujo ass, an: kaglo kidöboit dég an ndin tit Sodome ki Gomorrhe. Dég ki ngéra nya kigo lo Lubaht tit Joseph (Yab 39), dég ondi tit nyandaj kimaj tajigla al. Kumnya kindum in Su dub ngarkam dégt kitakul cinéma ki ndam kuj kain kasst. Killàra dékidéng ki dékidingag tit bissg bè. Lubah el taa kam TNM 22:15. Kitö Lubah elji ki oot kad ki ndam ki majal na ki j'aiñ majalkira – I Cor. 6:18-19, 10:14. I ger al é? Inla dé mad nuj ki kuj ndub Lubah anè Lubah a nuja tö – 1 Cor. 3:17.

3. **Dan. boor** – öj go majal lo kass kikain ki sa nya ngain. I dan ki yuro rooss roa, sa nyag tubè inñ ngah, ké maj, ké majal. Danro dé i nya ki sumba kad i kuj ndi Lubah ki Ngékumkajir na tel kiyer kita nyasa kiyer tit máng kikain ké jiniss nyag kititbè ingin a nujin kam dé. Kain máng nuj dingang ki dékidéng ngainbè, ré ki moiñ kimajal ngain kam danro dét. Tög lo Lubah kirabèdo la a ta dé nyaa döñ lo ra bert lo Su. Sumba kad dég lo Lubah ainin máng al kitö yerin ki danrodi in rota i kuj ndi Lubah. I gerin ta kad danrosi i kuj lo Ndil Kikunjrang na inla dé mad yer ki danron anè Lubah a nuja – 1 Cor. 3:16-17. 6:18-19.

Dé ki ngèsa nya ngain i dé kiyer ro Lubah. Ki sa nya kad ki ndin ki döji döñ na ki ndi ki döji döñ kitö nyasa al.

Kumnda a tiga al bat, a ndan dé al bat tö. Kigo tat kindang kam Kòn Kunköt ngèsa nya ngain ki ngékain kass, kari na a tilana ki mbal tölina kö – Deut. 21:18-21. Ter. 23:21. 28:7. Dé ki ngèhönam ki kaia dég ndi la rosöl dö bobnt. I ga döt! Dé mad ki ngènyangah, ké ngèsa nya ngain i ber lo nyurkõñ. Lubah elji tö wakis kam maktubt lon; ngèkassra a õñ nduba konbé loa al. Ngérakassg ki nyakain kingang ki ngéndugoakö ki ngékain ho tu, ta i dödit kitö Lubah el an: Bè to lo dég kingang lo kain kasst kiwöng – Es. 5:22. Bè to lo dé in ad madhén ain kass, ndi mbel nyakain kiwöng ad raa kasst kad n'õl'n roa kikari – Habakuk 2:15. Kindè ki kindè-ngo ki köd. ki toünal ki kassndu i kam fêtegt lodi. Turin go killàra Brabé al, on killàra jia al tö – Es. 5:12. Oot kad ungsin mut – 1 Cor. 6:9-10. Killàg lo danro ton tiga wang – Gal. 5:19-20. Oot kadin kass rasi – Eph. 5:18. Jésus ko ki ndin kibo an: Dé in kinda õña anè, ki ré romt, ki

ain — Jean 7:37-38. Dé kirei in kinda öña anè ki ré ta mant — Es. 55:1.

4. **Dañ méin** — méin i ngwon dañ ki aou ki tög ɓa ning kidönt al, öj go majal lo ngeñ ki ra ki yo ki ra. Kam kiköngköng i majal ass'na ki yo ki ra. Ra ta nya lo ngengen töla kitö jia mbat ra killà — Ter. 21:25-26. Josué el Israelag an: Oot ran ngeñ! a i ngon mbañ ndö baiñ kad andin, tan doning nyakaghét a? Dé kigo hal dañro ki ngengen ra tög ngah nya lo Luḅah kigo ndilt al. Jésus el an: I lan rosi kinat kad andin kam tabitt kikungununu — Luc 13:24. Dé in sah a ngah — Matt. 7:7. Köñhé ki dorañt döñ i kilo ngètögt, ngétaa tö ndi tan kilo ngètögt — Matt. 11:12.

Ngeñ a ögi dö kadrota, a ögi ger gir nyag lo Luḅah ké Kunkö loa in un. A aou ki dé nujköt. Luḅah el an: Adm ngarkami ɓonè! Su eli an: Oot kad rota, i ngo loti, ké ndö mad kirang kamtañ! na ndö inon a ré döit al ɓaitö, i woi kanj ngah kaj, kanj Christ. Luḅah el an: Bonè inla i ndi o dö ndi Luḅah anè, oot kad kami köngköng — Hé. 3:7-8. Ngeñ a ögi dö kadrota ɓonè ké loti, ɓalt inràn ké ɓal ki ndi ré, mbañ ad i woi kam majalt.

Ngérayog ki ngëndöntég ki mbolig orin ngögid méin, telina yot lodi. Ban kul Luḅah ki Ngékumkajir al. Inla köñ ngahdi ké yo todi anè ki kon kidö Luḅah na mbat ɓan kul Luḅah. Braḅé ndi ad nja dé hö ning, ndi ra ronel dö robt loa. Ké so ka'anè a to ningt al kitö Braḅé ndi hö jia — Ps. 37:23. Kitö toi kidöñ ndi ré ko loḅakàdt ké lokudkàdt ké lojiköñt al na Luḅah ki Ngégangta la dö dé kiber na un dö dé mad kidöñ — Ps. 75:7-8. Luḅah nda mber Israelag an: Kad ki ngahn dé kira ki ngëndönté kusit al, ké ngëndöndil kingöm, ké ngèkor ndil dég, ké ngèröndö, ké mboli, ké ngèkelta ndilg, ké ngèdawor, ké ngèkor ma dég. Dé kirah inhañ ndi ra nyag inten anè i kiyer ro Braḅét — Deut. 18:10-12. Ko tiga i bissg ki ngéyog ki ngéragaia ki ngétöldég ki ngérayog ki dé kirei in ndig takibal na ndig kel takibal — TNM 22:15. Oot telin rosi go ngèkelta ki ndilg ké ngëndöntég, oot kaou rodit naḅéta a i tel kiyer sédi. Miñ la Miñ Braḅé Luḅah losi yé — Lé. 19:31. Dé in tel ron go ngèkelta ki

ndilg, m'a m'un kumm kö dö dét inon, m'a m'gaa kö ku dégt lom - LéV. 20:6. Inla elsin annan: I ndijén ta dég ki ngéko kidö ndil ngékwoigt, ké ngéndöptég, ké ngéköjta gir ködt, ké ngékelta gir ködt muṇmuṇ, a i turin annan: Sumba kad dég ndijèn ta Luḃah losi al é? A sahn takiköj ro ngékwoigt kitö ngékumkajirg a? Ad j'on ta nyandoo ki najkima! Inla elin ta titbè al anè lo a ti dödit al - Es. 8:19-20.

Lon i ndi tida maktub inten Luḃah ndi öji ta kad i tor ndii ki ada roi, na ndil méiṇ ki ndi kamit yé ndi öji ta ho, el an: Oot ra ḃonè, i ngo mbaṇ loti ké ndö Dimanche kamtaṇ, ké nèni i ngo mbaṇ ḃal kira ka'a, to kari, ta goto. Maj kad i ndijè ngau i ké bobi, o kamtaṇ. Maj kad i ngo mbaṇ ad i ta ngau kamtaṇ ka'a m'el kilomg ké duniag m'an: kad m'tor ndim kamtaṇ. Inla m'ra tög kaou ndömt al, ké jinis ronel kirei lo dunia al é? Ki kad nol nyamajg lo Braḃé Jésus in dum kor bangdi, kam kisöllöm loa kiyaya, ronel loa ku dum kel, maj loa kitoitoi, kumkajir kimbaṇ kinöt, na i ndi o nyag inn ḃéta a i nyadi, ingin kari na a nyadi kö lon Christ and ngarkamit. Kamla meṇ dég, ké méiṇ kwoi ad ndin gir tögat tit ḃerg bè ki ndödüg tubè - HéV. 2:14-15. Ndil in öji ta dö lotit kirang ké ndö mad ta inon ndi ad kami köngköng tit ngögid bool bè.

5. **Dan kàg** - kàg i dan kimajal nga wöng kidumbit. Kössta ki wöng ki wöng kitölsökir ki majalg tubè ndi rén ki nya töl. I sah ki öṇbé dö wöngt ki majal na ndö a ndu gog tit hot bè. Inla i titbè anè maj kad i kö Braḃé Jésus ki aji ta ngarkamt kimajal nö. Tajigla oot ra kamkil - Ya. 45:5. Oot ḃa wöng, i nya ta wöng kitölsökir, oot kad ta öṇ kami, a té ki majal koon - Ps. 37:8. Wöng kitölsökir lo dé a ada ra nyakito, wöng a toi dö dé tit manköṇ bè. Nö haṇ ra tög rà lorànt nö jàngt a? - Ter. 27:4. Oot ḃa wöng kam ndilit kanangbè kitö wöng ndi kam ḃoodgt — Ngèlamberta 7:9. Na tajigla or wöng ki wöng kitölsökir ki majalkira - Col. 3:8.

Dég madg a aipin kass kad sölin nè wöng lodi na kassdu lodi i wöng li ki wöng li pir - Deut. 32:33. Ta lo nda ngira i nya kimaj ro dét in kama majal na Ngènda ngira i Luḃah. Jésus el an: I tar madḃéi tit roi bè, i tarin madḃésig. Luḃah ad Kunkö kad

nya go majalg lo dég kö. Inla ki nya go majal lo ngèraséji majal al nyurköñ kimajal a té ki rö ki kung moss kö tö. Kitö inten la nda lafia kirota kam ngarkamjit inla ki ndig kad lafia to lotont.

6. **Dañ li** - li gool Eve kam ndör Edent ad son ki Adam tu. Tuj nam lodi ki hön ki Luḅah kö mbal. Su i malaika kiso ketté woi, ra ni ki Adam ki Eve lon o ad Luḅah ndadi doningt kad iñ nam'na ki Luḅah ga'n got Lucifer. Kitakul ni kitölsökir la Su ndig nujdi'n kitö Luḅah ndah dékidinga kidassa ki dékidéñ na la dö nyag tubè gir tögdit ki öññé döt, nyag iñ ketté iñ ji Lucifer, ad i Su. Ni ra ta köñ titki lo ki Koo - Pa lo Salomon 8:6. Nda tagag kimajal kam dé t na nuj namkihö lo dég madg, té ki töl'na. Ré ki gang'na ku dékidingat ki nén. Maj kad ngérakillàḅer lo Luḅah kam killät lo Braḅé ngöñmin rodi dö ra nit ki ngérakillàḅer namdig ingin Luḅah ra killà kibo kitakuldi, nda majkur dösit toi kilodi. Ni ré ki tagag kidangdang ngarkam dégt ad ran yo kiro dégt mbañ tölindi. Ni ki ku dékidéñt ki ngana ad gang'na ré dandit, ad gé ki kuju lo dingam tiñ'na kö.

7. **Kaḅr** - kaḅr a sa buning na öj go ra ta nar in i ngira majalg tubè - 1 Tim. 6:10. Kam doning Afriquet dég on kaḅr mad sa kurg kidoningt mbañ kama ndu ad woi. Dé ki ngèra kumnda ra tög té jin kun nya lon kad ngèndo ké kidangt al na ndi sah kadki n'ngah nyamajg kidoningt ki rob kirei, ké kimaj ké kimajal. Nyag inon la tubè kirukis ki nöñ a tujin, ké ngéḅoog a mbutin ḅoogint, kitö Jésus el an: Oot mböñ nyamajg kitö rosi doningt nè, lot in kirukis ki nöñ ndi tujin nyat, lot in ḅoogg ndi mbutin ḅoogint tö. Na i mböñ nyamajg kitö rosi kikam dorant döñ, lot in kirukis ki nöñ a tujin nyat al, ḅoogg tö a mbutin ḅoogint al. Kitö lo in nyamajg loi iñ tit anè, nu la kami i döt yé - Matt. 6:19-21. Acan ki ngékiḅé loa woin kö kitö tarin nar or ki argent ki medkössg ki gatdi i ngaiñ ki kubug kimajmaj - Josué 7. Judas Iscariote ki ngèndoo ro Jésus woi kö kita tar nar toi tar in tar Jésus ad ndugo Braḅé kö. Nar or ké argent hañ iñ kimajal al na ra ta nar la i majal yé - Matt. 27:3-5.

8. **Su** - Su in töa i Satan ki Lucifer ki Diable, i bob ngétakibalg tubè ki ngétakingöm kad dég elin takibal. I ngèngöñm dañ inten tubè na iñ la öññé dö ngarkam dégt ingin

gerin Luḅah al. Jésus el an: Bobsi i Diable na i ndi tölin kön nyurköḅ lo bobsi. Bobsi i ngètöldég loyaḅoodat nu, rà dö rotat al kitö rota goto kamat. Lon ndi el takibal anè ndi un kidön kitö i ngètakibal - Jean 8:44. Takibal kidu ass'na ki takibal kibo, tujo iḅn tagkibal takum Luḅaht. Takibal aou nö in dé el, kimad dé ndàng, kimad tö i killàra dé. Ngèkel takibal i ngéndokumdég, dé lo Luḅah a el takibal al. Inla ki ndi j'an ki ndi hö nooj ki Luḅah na ki ndi ki ndian kam tilt anè takibal ki ndi ki j'elin yé, ki ndi ki ran kigo rotat al tö - 1 Jean 1:6. Na bissg ki ngéyog ki ngérakaia ki ngètöldég ki ngérayog ki dé kirei in ndig tar takibal na hö kel takibal tö yé, dég inon iḅn gid hét kitiga - TNM 22:15. Ku nyagt kimeheḅ ingin Braḅé össdi ta, dé ki ngèkel takibal, ngèmanaj kingöm in ndi el takibal - Ter. 6:16-19.


9. **Kimé** - i bakumta nyager ki ngarkam dégt tubè. Labè bakumta nya inten i kikil majal, i kindum kita jinis majal kidangdang. Kitö inten ta kikam dét ra killà kigorobatal. Ta kikamt kimajal inten, ndö mad to löm na ndö mad ga tag papa. Un dö dé na or ta dö dét ho. Ndil el tö wakis, kaglo kidöboit dég madg a nyan kadrota kö, a telin rodi go tat lo ndilg ki ngékung dég mut ki nyandoog lo ndilg kimajal - 1 Tim. 4:1-2. Ad ki hön go nyandakamdöt loji jögum. Ar ngarkamji dö tagt kimajal ad kamji höji ki ta al - Heb. 10:22. I tit nya in hor ara dö yert.

10. **Kum Luḅah** - kum Luḅah ndi o nyag tubè ki ngarkam dét. Nya mad kiyaro takum Luḅaht goto, kuma o tagag tubè kikamt. Nya mad ki gid tilt ki Luḅah o al goto - Heb. 4:12. (Kam bakumta nya kirei kikam maktubt inten kum öj go hal dé in ndoo ta döt)

11. **Ndöḅhor kidug** - ndöḅhor kidug gugin dö ngarkam, i bakumta tar lo Luḅah in gug dö ngarkam dé ki ngèramajal. Rota Luḅah öss ta majal na tar ngèramajal. Luḅah ndig kad dé mad nuj kö al na ki té torndit ki kumkajir. Jésus ré kitö kaj ngèramajal - Luc 15:10. Ronel kibobè i kam dorant kitö ngèramajal kirei in tor ndin. Ndöḅhorg inten eljin ta dö moss Christ Ngwon Luḅah in un majal lo dég kidoningt nè kö - Jean 1:29. Jésus rà tabit ngarkamit rà ga. Inla i té ngarkami

ada anè a andt, a tugo kami, a ug ori kam òert lo Su.

12. Malaika - oj go Ta lo Luḅah. Luḅah el ta ki ngèramajal in i kam nya goolt, öja kad nya go ra majal kad kunj Luḅah unj dö til kikamat. Luḅah ndi eli ta, in ki ngètida maktub inten.



NGARKAM DÉ KI NGÈRAMAJAL IN NDI SAH KAJ

13. Yel derngöt - i bakumta Ndil Kikunjrang, Ndil Rota in ndi hö dég ki ta dö majalt ki ra dannaseou ki takigang. Ndil Kikunjrang ra tög hö londi kam ngarkam dét ki ngèramajal al.

Inla bakumta nya inten ndi öji ngarkami, in̄ kiḥè, i ta loi kad i ko kidö Braḥét. I té ngarkami ada kad kunj Ta loa and kamit, ad rota Braḥé Jésus Christ na a aj. Lubah ndig töl kön killà inten. Luḅah un kön ki mbel ngarkami adi ndil kikij ki ngarkam kikij. Bakumta nya kikönjo a öji ta inten.

BAKUMTA NYA KIKÖNJO

Bakumta nya inten öj go ngarkam dé in tor ndin, mba gir sah go Luḅah. Malaika hö kiarö jint in i Ta lo Luḅah kikumkajir, i ngèra nya inhaḅ ndana kad ra, at pèpèpè toi kiarö kirei in ta kata i ko jo, ndi mbut mbaḅ lot in ndil ké ki ro dé ki dökurḡ ki mbit gangin'na - Héb. 4:12. Kari na dé kirei a woi nja kirabè, got gog ta'anè Luḅah a gang ta döat. Ta lo Luḅah öj dé ki ngèramajal an: nya ba majal i kwoi - Rom. 6:23. Héb. 9:2. Ngèramajal ki kama kõngkõng, a lana kam bah hort kikõḅ gilling gilling - TNM 22:8. Malaika hö kadö dé jint ad kam ngèramajal ga dö kwoit in kari na jin̄ tubè j'a ki j'woin. Daḅroji in ki tarina ngaiḅ, ki lana kubu, j'ulina ki nyasa, j'adina nya kirei in ḅoa ra ya. Daḅro inten a woi kö ndö madt, a ndum, kidèg a san na roji ki ndilji a ràn nõ dingir gangtat lo Luḅah.

Bakumtan̄ya inten öj go ngèramajal in mba gir nel mbin ko dö Ta lo Lubah na té ngarkam̄n ad tar lo Luḅah. Ndil Kikunjrang mba gir kunj ngarkamat kitil, kunj Luḅah and kamat tuḅa til tubè kö. Jinis daḅḅ kidangdaḅ öjin go majalḡ ingin té aiḅin'na. Kitö inten in̄ ki ngètida maktub, i nya roi ad Jésus in i kunj ki ré doningt nè. A and ngarkamit or til kö ki killàg loa tit inhaḅ ndi öji ad o bakumta nya nõ. Jésus el an: Miḅ kunj ki doningt nè, dé in ndulo gom anè a ndia kam tilt al na a ngah kunj kumkajir - Jean 8:12. I ra tög tuḅa til kö kamit kitakul tögi kidöi ké ter loi ké kitakul ter lo déḡ al bat. Rob kaiḅ toi til la to teḅ: nya ad kunj and kamit kitö til öj go majal loi. Lon Jésus and kam Kuj ndub Lubaht ki Jérusalem̄t yé, tuḅa déḡ tubè ingin ndi ndugon

mangg kö ki batg ki derg, töss tableg lo ngémbel nar tiladi kö. el an: A kunin Kuj lom “Kuj Kel Ta ki Lubah” na i telina kuj to boogg - Matt. 21:13.

Ngarkami i kitökad Luḅah hö londit, rooss ki kunjn ki tar lon ki ronel. Jésus ré kitö nya go majalg loji kö haḅ kirabè al na kad aji gir tög köḅbèt lo majal. Inla Ngwon ta nyasi dön anè a iḅn ki ta nya dön kirotagt - Jean. 8:36.

BAKUMTA NYA KIKÖNMITA

Bakumta nya inten öjji ngarkam dé ki ngèramajal in ad rota



kirotagt, tor ndin dö majalt lon na nya rob lon kiketté kö. Tajigla ndi da kor majalg lon kingaiñ iñn radi ingin Jésus woi dö kagdoosst kitatödi. Lon ndi o kagdoosst in malaika öja, ad i Ta lo Luḅah ela ta döt. ad kama gang ngalang na nõḅ kita majalg lon kingaiñ. O tar kibobè lo Luḅah i ki té dö kam Jésus Christt. Tar inten and ngarkamat, kuma té ad ger Jésus Christ Ngwon Luḅah ré un majal loa, woi dö sörkagt ga'n gota — sörkag kindöl!

Jésus i ki nda köj, jög kön'g i döat, össin jia ki njaa ki ngaug, woi dö kagdoosst kitö majalg loji. Kita inten kama so'n kiber kitö ger moss Jésus Christ Ngwon Luḅah tugo majalg loa. Inla ki ndia kam kunjt tit inhañ Luḅah i'n kam kunjt anè, nooj ki hö la ki ndi hön'na yé, na moss Jésus Christ ki Ngwona rà ta karjit dö majalgt tubè tö - 1 Jean 1:7. Brabé i nderbè kad dégt ki kamdi öl, aj ingin ndingan ndo kam ndildit - Ps. 34:19. On, m'a m'nda kumm go détt indin: dé ki ngèndo ki ndinga ndo kam ndilnt na roa ndad kita ḅool ta lom - Es. 66:2. Rota, to daiyog loji, öi kamkölg loji - Es. 53:4.

Kunj Ndil Luḅah Kikunjrang rooss ngarkama in ketté i kiyer, til baa köt. Tugoa ada ndà ngung tit neige bè kitakul moss Christ - Es. 1:18. Ndil kidön ma naj ndilji an: Jiñn ngan Lubah - Rom. 8:16. Jiñn ki ba dö kitakul moss kwoi Christ. Gira i titbè: Liḅah nya go majalg loji kö - Eph. 1:7. Tajigla nyurköng lo dañro nyan rob adin nyur ra ḅer lo Luḅah ga'n gotdi. Ki tarin dunia ki nyag loa al ta na tarin Luḅah ki nyag lo Luḅah.

Bakumta nya inten öjji dañg kimajal tén kam ngarkam détt kitiga woi. Titbè ka'a Su ndig nya gotn kiketté al na mbel, o lo kigog, ndig kandt gog nja kira ḅaitö. Kita inten Braḅé Jésus ndi öji kad i ndi dögt, i ndi dö njait, i el ta ki Luḅah kindögndög, i ta rö Su ki killàg lo tu, kamla a aiñi - Jac. 4:7.

BAKUMTA NYA KIKÖNSÖ

Bakumta nya inten öj go dé ki ngèkadrota Christ in ngah lafia kikassnatap ki kaj kitakul la in Jésus la ron kadkari kitö kajji. Dé inten ndi ga buro dö nyat mad al na dö kwoi Braḅét loji Jésus Christ dö kagdoosst - Gal. 6:14.

Gamin kagdoosst natki
 Christ Gal. 2:20.
 Ngèkwoi dö majalt na
 ngékaou kidödöñ
 kitö Luḅah kitakul
 Braḅe loji Jésus Christ.
 Rom. 6:11.

Na miñ ta'anè, ki
 Luḅah ögm ga buro
 dö nyat mad, na dö
 kwoi Braḅét loji
 Jésus Christ kagdo-
 osst tañ.
 Gal. 6:14.



KI GA KAGDOOSST NATKI CHRIST

Jésus woi dö kagdoosst kitökad jññ nè ngékwoig dö
 majalt na ki ndin ki döji döñ kitö nyara kidannaseou -
 1 Pierre 2:24. Ngèkadrota kijéjé i dé ki kwoi kö dö nyagt ki
 doningt nè. Galatiag 5:16 ndaji mber ki ndian kigo ndilt na ki ran
 kigo nyurköñgt lo danro al bat. Galatiag 5:25 elji an: Ad ki

j'auin kikettéketté kitakul Ndil Luḅah! El titbè kitö ri a? Kitö el kettè an: Jinn ki ndi kumkajir kitakul Ndil Luḅah.

Kam bakumta nya inten j'o pilier in dég dön Jésus kadat got inhaḅ orin kubu loa. J'o ndeh inḅ ndana nè - ndana mbukmbuk kitö ragotalg loji - Es. 53:5. Hérode ki dég loa tajina, gon döat kamla lana ki kubu kikiré worwor, ndan jög kön'g döat ga'n got jög könḅé. Ndan kag kikari jiat ga'n got kag könḅé kamla össin dödi ningt nöat annan: Lalé ngar lo Juifg. Tibin horta döat, tan kadnya jiat tindan nè döa. Lon gon döat yé auin sia kad gana kagdoosst - tida Matt. 27:27.

Ngékadrota Christ inḅ nö ngaiḅ ingin kadrota lodi i ta ki té tadit koon. Elin ta ki Luḅah, kaouin'na ta Tablet lo Braḅé na kitakul killàradi kimajal ndi gan nè Braḅé kagoosst kij gog. Jésus el an: Dég inn elmin annan: Braḅé, Braḅé, haḅ a andin kam könḅét kidoraḅt al, na dég ki ngéra go ndigt lo Bobm kikam doraḅt dön yé taḅ. - tida Matt. 7:21-27.

Kam bakumta nya inten j'o sac nar argent in adin Judas in la Jésus ji dégt kitö gursu kindà dömita. Judas tar nar mbaḅ rooss ngarkama ad til ut dö ndila, töga goto. Hor ki jinjir inḅ ji ngèrög ingin rén köndöt, hön Jésus auin sia. Kegin kubu loa gir sö na yan yuk dö kubuji loa - tida Jean 19:23-24. Dég ngaiḅbè elin annan: I gaa kagdoosst, i gaa kag doosst! - Luc 23:21. Ndigin kad Jésus öḅḅé dödit al - tida luc 19:11-14.

Dég ndigin kad maj urdi kokiro Luḅaht, ndigin ndi ki ed ki käd ki öss na ndig telin rodi go Tat lo Luḅah al mbaḅ son ndot ké ngahn kön ki nya kititbè kamtaḅ.

Ngèrö mad un ninga öss'n kad Jésus, tentenbè moss ki man aiḅint. Lon kinja ko al ḅaitö Pierre maj ta ger Braḅé nja mita nö ḅert na got gog tor ndin, nöḅ mḅiting - tida Luc 14:66-72. Ké i tö tai dö Jésus tö dégt a? ki takeli ki killàrai! ké roi söli dö Braḅét loi a? Dé kirei ki a el ta kitiga wakis nö dégt an: niḅ dé lom anè, Miḅ tö m'a m'el ta loa kitiga wakis nö Bobmt kikam doraḅt dön m'an: i dé lom! - tida Matt. 10:32-33.

Jésus el titbè tö an: Dé in un kagdoosst lon na ndulo gom al anè ass tam al! - Matt. 10:38. Ngéronel la ngèràbijir dö mbalt in i Christ

Jésus Christ Loyaro loji,
In Mbal Kaj kitöji labè,
Ngönmji dö ndökibat lo Su,
Ki madngétajig la tubè.
In kirabè In Ngèkaj roji,
Kagdooss loi i nyabadöji,
Moss ki kwoi'i ki hai'i lo kwoit,
Inn la rén ki nyagokö.

BAKUMTA NYA KIKÖNMI

Bakumta nya kikönmji öj go ngarkam dé in i kikar nyang kitakul ramaj ki kokumtondo lo Luḅah ki Ngèkaja. Ngarkam dé inten tel kuj in Luḅah hö londit, Luḅah ki Bob, Luḅah ki Ngwon ki Luḅah ki Ndil Kikunjrang kigo kunköt in Braḅé Jésus Christ un an: Inla dé mad ndi tarm anè, a ngön, go ta lom. Bobm a tara tö, Miḅ ki Bob j'a ki ré roat, ki hö londiji roat - Jean 14:23. Luḅah ra ki dé, maj loa ura una kidöḅ kitakul Jésus Christ. - Luc 1:52.

Ngarkam dé inten i londi Luḅah. Majalkira i ki tuba kö kam ngarkamt inten. J'o daḅ ki öjin go tög lo Su kamat al na j'o Ndil Kikunjrang lo Luḅah in i Ndil rota. Ketté ngarkam inten i londi kamndig lo daḅro na tajigla tel londi Ndil. Kand Ndil hö londi kamt - tar, ronel, lafia, dökisöl, hal kisöl, ramaj, hal kiro, ndidöt ki kög ro ra majal ki nyag kidangdang ingin a nelin Luḅah ki dég tu.

Tajigla dé inten tel döji kijéjé lo Diḅ ndu kijéjé, Braḅé loji Jésus Christ, na döji inten ndi té ki kandn. Gir té in dé inten ndi té ki kandn laten: i kam Braḅét na Jésus Christ ki mberkindag loa inn kamat - Jean 15:1-10. Dé inten i ki ba köt ki Ndil Kikunjrang, dé inten i kikooj kikij kirotagt, dé inten aou ki tög kitö tet'n rö daḅro ki nyurköng loa, dé inten ra tög ga kön-dé lon kagdoosst natki Christ. Dé inten ndi ki döa döḅ kitakul kadrota Jésus Christ na Kadrota inten i nya tet rö dunia - 1 Jean 5:4. Dé inten ndi ki döa döḅ doningt nè na nda

Tar.
Ronel
Lafia
Dökisöl
Hal kisöl

Ramaj
Hal kiro
Ndidöt
Kög ro ra majal
Gal. 5:22.



KUJ NDI LUḂAH

kamn dö ndö tel Brahét lon Jésus Christ. Dé inten ndi ki-döa dön kam tart lo LuḂah kimbaḅ kinot.

Ngéronelg la iḅn dég ki kamdi i kijaḅjoi kitö a on LuḂah - Matt. 5:8. Ngar David ger kamnt ḅet kad rö kibobè i kam ngarkamnt. Ké nyamajg iḅn jiat ngaiḅ, ké tet rö madngétang tubè kitiga ka'a rö to nö kam ngarkamnt ad kö LuḂah an: LuḂah, I

nda ngarkam kikunjrang kammt, I nda hal kikij ki kiro kammt!
— Ps. 51:12. Dé kira ka'a ra tög kar ngarkamn ada ar nyang goto ké nda ngarkam kikij kamnt. Dé a ngah ngarkam kititbè lon tel kiro Luḅah na tor ndin dö majalt lon. Luḅah ndig ra nya inten kamit! Killà inten i killà lo Luḅah in ndi eli an: M'a m'tud man kijanjoï döit na a iñ kikar nyang. M'a m'ari dö yerg loi ki yog loi tubè. M'a m'adi ngarkam kikij na m'a m'nda ndil kikij kamit. M'a m'or ngarkam kimbal kö na m'a madi ngarkam ki dan. M'a m'nda Ndilm kamit, m'a m'ra séi kad i ndia kigo mberkindagt lom kad i ngònm go na kad i hö ra go tagt lom — Ezéchiel 36: 25-27. Ta inten là öjji go gir kij kunkö in Luḅah un adji kam Ngwonnt kitakul moss kwoia dö kagdoosst.

Kam bakumta nyat inten j'o malaika té kij gog kitö killà lo malaikag i ra ki ngékönduba kaj ki kamkajir kimban kinöt. Luḅah ndadi mber kad gugin dö ngéḅoola tubè — tida Ps. 34:8. 91:11-12. Dan. 6:22. Matt. 2:13. KNM 5:19. 12:7-10.

J'o Su kam bakumta nyat inten tö. Rà nderbè ki ngarkam dé kitö ndi ngo dökaglot kimaj kad and kam londint kikketé kij gog. Kitö inten la Pierre elji'n an: Satan ki madngétasi a ndia tit tubo ki a ko bè, a sah dé mad ki n'laa yalim — 1 Pierre 5:8. Nja natnatbè Su a ré rojit tit malaika ki ngékunj, a gool ngékadrotag, a sah tuj ingin ndin dögt dö nyuköng lo dunia al. Su a ndo kum dég lo Luḅah, dég iḅn Luḅah mbeddi. Ké i titbè ka'anè, inla ki taa rö a ainji — Jacques 4:8.

BAKUMTA NYA KIKÖNMEHEN

Bakumta nya inten öj go ngarkam dé in roa nela al kitö i dé in nya rob lo Luḅah kö na tel gog. Kuma kira i ki kut kitö dé inten mba gir nya rob lo ngékadrota Christ kö. Kuma kimad ndi nöl lo gug dön kad o nyag kidoningt nè, nyag lo dunia. Kunj kikamt ndi tel til, dé inten gé dai yon natki Christ ngaiḅ al. Nyag kidoningt ndi naḅna, nyurdi ndi öḅna na töga i ngaiḅ al. Mbia ndi o dö Ta lo Luḅah ngaiḅ al na mba gir nel mbin kiro ngènaḅ dégt, ad i Su. Booda a aou lo kaounat ḅaitö na i nyabelḅé kikari, i nyakutdö tar in mba gir tar nyag kidoningt. Tar lo

Lubah kikatam tel kisöl, töga goto. A to kagdoosst lon ki kamndig al, tel nya kikoi döat in ndig al. Kadrota loa mba gir yé, hö nam ki Lubah ki Boba el ta sia al mban nya lo ad Su ki ngendokum dég and kam ngarkamnt. Hö nam ki duniag na kaou'na ki ngankönn kam Christt al.



NGARKAM DÉ IN SU NANA AD GANG'NA JO

Ndil yel Paon in öj go döngang ki dösir sah kand kamat. Ngèkadrota inten, ÷ooda kama woi dö ramajt lo Lubah in aja mbañ o ron tit dé in gé kaj al bè. Nyur kass öña, ÷ooda a tuja. Lon aou hö nam ki duniag ki ngékaiñkassg nyur inten ngah rob kand ngarkamat. A mbat kaiñ al kitö ndig kad namng kidina al, a aiñ ta! Su a ela an: I aiñ nja kira inten, i ta kibo ngaiñ al! Titbè tagag ki nyurköñ lo dañro ngahn rob ra killà kam ngarkamat. Aou londamt, aou lokaiñkassst ngang ngaiñ al. Kanangbè ngèkadrota inten tel duniat gog na nya kadrota lon kö mbañ el ron an: Ra majal nja kira i nya mad al, i majalkira al!

Rota, inla yelg kimajal urin döjit anè ki ran tög ra nya mad döt al na ki nyan rob addi andin kam kujt loji al. Ki tuñandi kö. Titbè tö majal a gug döji doningt nè na ki tuñana kö, ki nyan rob ada and kam ngarkamjit al bat. Inla ki j'adin Su ngwonjiji kirabè ka'a naiñ kaglo ngaiñ al a ta jiji kitaagbè mbañ dañroji ki ngarkamji tu. Kitö inten Ta lo Luḃah öjji kad aiñin nyurköng lo dañro, ké jinis majalkira kiri ka'anè ki ndamin sia al na ki j'aiñina kö. Kari na ki j'aiñin kiro Jësust ki Ngètanyaji ki Ngètetrö Su.

Dé in i o kam bakumta nyat inten, ndi öss ngarkam ki kia öj go ngékid ki ngétaj hoita kimaj, ad i madngéta Ta lo Luḃah. Dég inten elin ta ndoorin nè Ta lo Luḃah ki hoita kimaj loa na ngèkadrota ingin ngarkamdi i ki gang'na jo a ran tög rà bijir dö kadrotat lodi nõ jinis dégt kititbè al. Ngèkadrota kititbè ÷ool dégt toi Luḃah, ÷ool dégt aou ki dé saiñ kiro Luḃaht. Dé inten ngah kam kiso kiber al, lafia loa goto, wöng raa mbañ tagag kimajal andin kam ngarkamat. Jàng raa lon o komajro lo namng mbañ kama tuj na inla ngah rob a el ta kimajal dö dégt kita kössta ki döngang kikamnt.

Nya tarob ad tar nar ki nyamajg and kam ngarkamjit ngang ngaiñ al inla kamji woi dö kötja lo Braḃé Jësus Christ in elji an: I ndin dögt! I elin ta ki Luḃah kön nè kitökad i son al lon nañsin. Rota kam ndil ndig na dañro i kitöñ! Kitö inten dé in o an: n'ra bijir anè, ad o go ron maj naḃéta so! Matt. 26:41. 1 Cor. 10:12. Ki i dö nyakatg lo Luḃah tubè roit kitökad i ra'n tög rà bijir ta kunddögt lo Su — Eph. 6:11-18.

BAKUMTA NYA KIKÖNSIRI

Bakumta nya inten öj go dé in nya rob lo Brabé na tel duniat gog. Kunj unja nja kira, ger kadkari kidorañt ass tat, ad telina ngèga'na dö Ndilt Kikunjrang, ger ta kimaj lo Lubah na nya rob kimaj loa kö. Bakumta nya inten öj go dé in tor ndin nja kira al tö ké dé inten ger Hoita kimaj kirot, o dö mberkila kokiro Lubaht nja natnat. Dé in ad kamn köngköng ndö in o dö

NGARKAM KI NGÈTELGOG



ndi Luḅah a aou k̄kettéketté kam majalt na a ra tög kaj ron dö majalt ki ra al.

Jésus kidön elji ta da'n dö dé in tel gog titbè an: Lon ndil kiyer té kam dét yé a la go log ki man gotot, a sah lotakò na ngah al, kamla el an: m'a m'tel ki ḅé lom gog lot in m'té't. Ta'anè, ré ngaah i ki tissa ki ki ra go woi. Got gog té aou, öi ndil kimadg siri ingin toina ki majal, andin kam dét inon, ndint nö. Döboi ta lo dé inon majal toi kidassa — Luc 11:24-26. Nya ki té dödit i kigo tertat kiota inon: Biss tel ta tòmnt gog. Terta kimad tö: Kõn boor ki tugo woi yé, tel ki lo nduḅir rot lon kikam bort - 2 Pierre 2:22.

Ta kiketté nö in ki ngahn kam Tat lo Luḅah elji ta tö wakis dö ngarkam dét in tel gog ki dé in tor ndin al ké o dö Ta lo Luḅah ki hoita kimaj nja natnat. Majal goola, Su ndo kuma mbaḅ tel, hö londi kam ngarkamat gog. Ké takum dé inten ka'a öjji majal kikam ngarkamat. Ndil Kikunjrang té kamat, ra tög ndit al kitö a hö londi natki majal ki Su al bat. Kari na a té. Ngarkam dé a i kuj ndi Ndil Kikunjrang ki londi Su ki majal tujo al bat. Malaika in öj go Ta lo Luḅah kikam dét, roa nela al ad té kam dét inten. A nöl lo kigont kitö ko ké dé inten a tor ndin gog ḅaitö wa! Ta lo Luḅah elji ta lo dé mad in ra titbè. Nyur öḅa kad ki n'ndan kamn ki kand mat in boorg rà san, na dé ki ada goto. Na lon kuma gang woi yé, el an: ngan ngékillà lo bobm inḅ baiḅ ndin ki nyasa kingaiḅ na miḅ taḅ, ḅo ndi tölm. M'a m'ḅai m'aou ro bobmt, m'ela m'an; bobm, m'ra majal ki ndoor Luḅah ki kinöit tö na m'ass kad i kunm ngwoni gog al ta. Ki i telm tit kikira ku ngan ngékillàgt loi! Bai dön, aou ro bobnt — Luc 15:16-18. Bob ngwon inon ta, lon o ad ngwonn tor ndin yé, nya go majal loa kö na tel sia kikuju.

Kam bakumta nyat inten j'o dé in tor ndin al. Dé inten tel kiro Luḅaht al, ré ro Jé sust kad ki n'ngah nyagokö dö majalt lon al. Ta kikamat i tit hand ki la horo bè — 1 Tim. 4:2. Ta kikamat to ḅi, ela ta al. Aou ki mbin na o dö ta lo Braḅé al. Aou ki kumn na o lo nujköt in to nönt dö robt in a ndiat al. Ketté roa a söla do ra majalt na tajigla roa söla al ta. Su ta lo öḅé kam ngarkamat. Koa ko tiga i tit dé kimaj na i tit nya kiyer in ran

gida ki hör ada ndà ngung na kama i kitil. Ko kèmé roosin ki kinga ngékwoig ki kinis yer kirei – Matt. 23:27.

Bob takibal, ad i Su, hö londi kamat ga'n got Ndil Kikunjang. Dañ kirei, ad i majalkira kirei, ndil kimajal ki kiyer loa aou nö in hö londi kamat. Ké a ndig kad n'ngah tanya dön dö ndilgt kimajal inten ka'anè a döna ki jinjirg lodi. Dé in mbat tel ron go Mberkindat lo Moïse anè, a tölina kikanj kokumtondo dö tat lo ngémanaj jo ké mita. Dé in o Ngwon Luḅah nya madt al, ndi o moss kunkö in tela kijaḅatt nya kikarit, ndi taj Ndil Luḅah ki Ngèkamkeḅ yé, nyakito kimajal ngaiḅ ki toi dé kiketté nö ki ass ta kad gangin dö dét inon a? – Hééb. 10:28-29. Tida 2 Pierre 2:1-14 tö.

Inla bakumta nya inten öji jindi ngarkami anè maj kad i ko kidö Luḅaht ki ngarkami tubè na i ndi kök döt al. Luḅah ass, ndig nya go majal loi kö inla i ndig tor ndii dö majalt loi ki tel kiroat ki dö kiḱol. I ré ro Braḅét tit inhaḅ ngèbanj ré'n roat ela an: Inla i ndig anè i ra tög karm! – Marc 1:40-41. Na inla i ndig kad ngarkami köngköng ḅaitö anè, inla i ndig til toi kunj nyandakamdöt loi goto, ngèdiḅi goto kitö i köt kwoi na kumkajir kimbaḅ kinöt al. Kitö nyaba majalkira i kwoi na kadkari ki Luḅah ad kigo kamkent lon i kumkajir kimbaḅ kinöt natki Christ Jésus ki Braḅé loji – Rom. 6:23.

BAKUMTA NYA KIKÖNJIJO

Bakumta nya inten öj go jindi dé in tor ndin al na a ngo loti mbaḅ ndö kwoia ré nderbè, ndöa naiḅ ngaiḅ al a woi kö. Roa toa ngaiḅ kita jinis moiḅḅ kidangdang na roa kikémé i kirooss ki ḅool kitölsökir kita kwoi in ndi ré. Ndil kwoi ré roat nderbè. Ronel kigo daḅrot ki ngèndokum in majalkira ré'n nyeḅr kö kiroat. Kwoi i nöat ki nyaba majalkira, ké ndig al ka'a ndi nöla köriköri. Kyakito kikam lot ki Koo höa ngang ad ra tög kel ta ki Luḅah al, hö nam sia al tö kitö mbata. Namag ki ngékadrota-alg elina ta ki ass söl kama al, ḅoolin kaou roat kitö köjta lodi ass nya mad al lon dé to ta kwoit. Nyamajg loa ran sia al kitö ngah kilo ngètögt ké kilo ndokumt. Töga ass la ndö kira dö ndögt lon al ké kaj

ron, ké sòl kamn. Ra tög ga dö Luḥaht al kitö Su in i luḥah loa öga dö.



DÖBOI NGÈRAMAJAL

Nyag tubè inṅ nda kamn döt ketté telin nya go döat na ngèkogo ass ra sia al kitö tōga goto. Mba gir ger kamnt ḥet, i nya kikoothool kad dé so ji Luḥaht ki Ngèkumkajir – Héḅ. 10:31.

Ketté dé inten o an: m'a m'ra rom ndö mad, ḥooda dö tira kwoimt! na tajigla ger ḥet kaglo toi woi. Déḡ ngaiṅbè woin kö

kanangbè na ngahn rob ran rodi dö tira kwoidit al. Kimadg woin dö robt, kimadg kam camiont, kamadg kam aviont. Kwoi té dödit kanangbè ad ngahn rob ga döt ketté al bat. Kitö inten kari na ki sahn go Luḡah dökgalot kimaj. Kam bakumta nyat inten dé ki ngètor ndin al o dö ndi ta Luḡah al kitö ketté mbat ramaj ki kamkeḡ loa. Ta kisöl ké ta kaj kokiroy Luḡaht goto kitö dé inten. A o dö ta lo Ngègangta na kilo Ngèkaj al. Jésus a ela an: I rà kigog nö, i dé ki ndöl i döit. Aou kam hort kito kinöt ki i ki ra go woi kitö Su ku malaikag loa – Matt. 25:41. Kari na dé kirei a woi nja kirabè, got gog ta'anè Luḡah a gang ta döat – Héb. 9:27.

BAKUMTA NYA KIKÖNJKIRA

Bakumta nya inten öj go dé ki ngèkadrota in ndi rö maj kaglo naḡkot. Ké nyanang gugin döa ka'a dé inten rà bijir, hö tögn bá mbaḡ kaglo ass. Dé inten ndi tet rö ki tetro kibobè kitakul Jésus Christ. Dé inten ndi ur kumn kidö Jésumt in ndi orji tarob kam kadrotat lo mbagirat mbaḡ ki döboia – Héb. 12:1-2. Dé inten mbat ra majal ki a öga dö kaou kikettéketté na aiḡ ngöd ki lo ndadurot.

Su ki ngérakilläg loa tubè gugin dö ngarkam ngèkarota Christ, a sahn ki n'adina so mut. Döngang, tar komajro, nyurköḡ lo daḡro ki hal dunia inrán tubè iḡn ḡerkilläg loa.

Kam bakumta nyat inten j'o daḡ koro ga'n got käg kitö nya kimajal a sah tel tit nyakimaj takum ngèkadrotat. Bisskolo a la biḡ bat kad ki n'gool dég lo Luḡah.

Kum dé lo Luḡah té dö nyat kimajal kirei. Ké majal la kubu tel ron tit malaika ki ngèkunj ka'anè, dé inten a ger kitö Ta lo Luḡah ki Ndila Kikunjrang ḡdi orina tarob kirotat kitaagbè. O kam bakumta nyat inten dé mad aou ki kop jint na kass i tit. Ndig kad dé lo Luḡah aiḡt kamla aou sah ronel kidoningt nè tu. Na a ra sia nya mad al kitö dé in woi natki Christ kirotagt, o ron ngèkwoi dö majalkirat. J'o dé mad aou ki kia jint kad ki n'öss'n ngarkam dé lo Luḡah. Dég ingin ndigin Ta lo Luḡah al a ran titbè. A össin ta dé lo Luḡah, a elin takingöm döat, a tajina, a rön sia. Dé ki ngèkadrota kijéjé al a ra titbé ki ngèkadrota Christ;

i killà lo òer lo Su. Dé lo Luḅah inten a ga kamn dö tat lo Jésus in el an: Ngéronelg la i iḅn, lon dég a tajsin, a dan rosi ndo, a elin jinis takibal kidangdang dösit kitö iḅn ngèndoog lom yé. I



NGARKAM KI NGËTETRÖ

ran ronel ki kamndà kitö nyabajisi i kikobè kam dorant dön, kitö titbè la dan nè ro ngékeltag kita Luḅaht ndo ingin rén ketté nösit yé – Matt. 5:11-12.

Majal ki daɗro hö ran killà lodi kamjit kindögnödög kad orjin kö kam tart lo Luḅah. Ké i titbè ka'anè ta loji i kirabè ki ta lo Paul in el ta ki ronel ki kam kiso kiber an: Nö ra tög gangji nat ki tar in Christ tarji'n a? Kamköl ra tög a? ké nyakito, ké darondo, ké ɓo ki öñ, ké ro kikari, ké so ta kwoit, ké nya kat a? Na kam nyagt inten tubè ki ndi ki tetin rö ki rö kitet kibobè – Rom. 8:35-37. Dé lo Luḅah in dö nyakatg lo Luḅah tubè ront a rà bijir kam ndögt kimajal, a dum dö nyanang tubè. Rota ass kad ki jinñ ngétetrö kitakul Christ ki Ngétarji.

Kam bakumta nyat inten kimé ndulo ngéiñ ngéiñ, Ta lo Luḅah ndi ra killà kam ngarkam dént inten, kadrota baa köt na Ndil Kikunjang hö londi kamt. Malaika lo Brabé i döat dön, ndi töss hankala ndool dö kunkögt lo Luḅah in un ad ngéhö tögdi bá mbañ döboit. Dé in ndi tet rö anè, dé inon la m'a m'ada sa kand kag kumkajir in rà kam ndört lo Luḅah. Dé in ndi tet rö anè, kwoi kikönjo a öda al bat. Dé in ndi tet rö anè, m'a m'ada manne kiyaro. M'a m'ada kössmbal kindà tö. Dö kössmbalt inon yé tö mad kikij kindang i döt. Dé in ndi tet rö na hö ra kigo ndigt lom mbañ döboia tö anè, m'a m'ada tög dö girdégt kidangdang titki m'ngah'n tög inten kokiro Bobmt. Dé in ndi tet rö anè, a lana kubug kindà titbè. M'a m'töl töa kö kam maktubt in tö ngékumkajirg inñ kamt al. M'a m'el ta kitiga wakis nö Bobmt ki kinö malaikagt loa m'an: i dé lom! Dé in ndi tet rö anè, m'a m'ada i tit kag ngaudan kuj nduḅ Luḅah lom bè. A té kamt gog al kinönt. Dé in ndi tet rö anè, m'a m'ada ndi sém nat dö pöng könḅét lom – TNM 2:7, 11, 17, 26. 3:5, 12, 21.

Böl nar: in taa té öj go kad i ngèkadrota Christ inten öi kam nyagt lon ad Luḅah gáj loa kitö killà loa. Dé inten sa nyag tubè inñ ton jint al na ra ki ngéndog ki kidangtg ki ngéngaukwoig ki nganhalg. Killà inten tubè la ra kitökad Luḅah ngah'n kössgön ki nduḅtö kokiro dégt.

Kubir binna ki kanj öjji kad dé inten sa nya böt al na yer ki ron kita kass ké moss daɗ ké nyakisa kimajal al tö. Dé inten tuj nya in Luḅah ada jiat yer ki ron al kitö ger daɗron i kuj ndi Ndil Luḅah. Aiñ máng al, aiñ kiñg kidangdang kari al na kama so

kiber dö nyasat kimaj ki nyakaiṅ kimaj iṅn Luḅah ada tit kanj ki binna. Kam dé inten i kuj kelta ki Luḅah, aou lo kaounat kindögnödög ké ndi ed ngaiṅ, ké kàd öss kidum. Dé inten ndig kelta ki Luḅah, ké kam kujt lon natki nén ki ngann ké kam gillé lot lon, kitö ger kamnt bet ngékadrota Christ ass ndi ki döa dön kanj hö nam ki Luḅah al.

Maktub ki tén taa i Bible ki Maktub Kikunjrang lo Luḅah. A ndiyo kamt kindögnödög, ngah ter ki tög ki kumkajir ki kunj ki nyamaj kingaiṅ tit ingin gerdi ketté al. Maktub inten i lampe kitö njaa, i kiarö kitökad rö'n ki Su ki madngétang tubè. Kiroat Maktub lo Luḅah i nya ki gata ngaiṅ, i nyasaa kigo ndilt kindög, i mankaṅ kitö töl'n kinda, i man tugoa dö yert kidoningt nè, i kutram in ndi o'n ron ndö kirei.

Dé inten a to kagdooss lon ki kamndig kitö ger bet jög köṅbè goto kitö dé in to kagdooss lon al. Dé inten ger kamnt bet i dé in bai kij-dé natki Christ, ndi sah go nyag kidoraṅt, nyag kiton kinöt, nyag iṅn kum dé o al. Ba ron ketté kadki n'ndöd Luḅah, i tit kag in höna ta baht in ndi té ki kandn tit döji diṅ ndu kijéjé. Dé inten ḅool kwoi al kitö Ndil Kikunjrang lo Luḅah ba kama köt, tar kikassnatap lo Luḅah rooss ngarkama taptap.

BAKUMTA NYA KIKÖŃKILAH

Jésus el an: Miṅ Ngèkad ngékwoig ḅain, Miṅ kumkajir, dé ki ngèkadmrota, ké woi ka'anè a ndi kumkajir. Dé kirei tö ki ngèkaou ki dön dön na ndi adm rota anè, a woi al mbaṅ kinömt — Jean 11:25-26. Dé in ndi o dö ta lom, ndi ad rota Ngèlam tö ho anè, ndi ki kumkajir kimbaṅ kinöt, ndi ré lo takigangt al na toi kam kwoit ki kumkajirt woi — Jean 5:24. Ngékadrota Brabé Jésus Christ ḅool kwoi al ta kitö Ta lo Luḅah elji an: Lon daṅro kindum inten a la dum-ndum woi, daṅro kikwoi inten a la dumkwoi tö ho anè, kamla ta in ndàngin kam Maktubt a i kitöl taa: Ur kwoi ad goto kita tetrö ki tet.

Iṅ kwoi, tetrö loi i rah a?

Iṅ lo ki Koo, tögi i rah a?

Kwoi ra tög ra nyakito ki dég kita majal lodi ki ra, na majal ngah

tög dö dégt kita Mberkinda. Na ad ki ran merci Luḃah in ndi adji tetin rö kitakul Braḃé loji Jésus Christ – 1 Cor. 15:54-57.



AND KAM KAM KUNJ BRABÉT LOI

Dé in ndia natki Luḃah, ndi ki döa döḅ nat sia tö a ḃool kwoi gog al ta. Lon ndö dé inon ass a aou ḃé ki ronel tit inhaḅ Paul el'n: Nyur ndi öḅm ki m'or döḅ, m'aou m'ndi natki Christ kitö nya inten i kimajtoi ngaḅbè – Phil. 1:23.

Ngèkadrota ndig ngaiṅ ki n'ò Jésus kum ki kum, ndig ko Inḥaṅ woi dö kagdoosst kitö kaj déḡ. Ndil Luḃah ada ga dö tat lo Jésus lon el an: Oot kadin kamsi dasi tapa! I ndi adin rota Luḃah anè, ki admin rota tö! Kam ḃét lo Bobm kujḡ ngaiṅbè inṅ tit . . . m'a m'tel m're m'tasi kiromt kitökad lo in m'ndit anè, inṅ tö ki i ndint – Jean 14:1-3.

Nyag inṅ kum dé o al, mbi dé o dö al, andin ngarkam dé al bat tö. Nyag inon la Luḃah radi ketté woi kitö déḡ inṅ ndi tarina – 1 Cor. 2:9.

Takel dé ass kor gir nyag kimajmaj kidoraṅt ki lo kimajdum inṅ Luḃah ra go woi kitö déḡ lon al, ad i déḡ ingin a ndian dö bangnja Braḃé Jésus Christ kaglo ki nyadi doningṅ nè.

Kam bakumta nyat inten j'ò kinga dé in j'ò ketté (No. 8) al kitö ketté kwoi ngah dé na tajigla kwoi goto. Tajigla j'ò malaika lo Braḃé in i ngombangkila kimaj lo Luḃah. Malaika a ngo ki n'un dé lo Luḃah aou sia roat. Kwoi a ré na roa ki ndila a inṅ ki ta nya, a tén kam daṅrot kindum aouin ro Luḃaht ki Jésus Christ ki Ngètar loa. Lon ndi'n ki döa döṅ doningṅ nè dé inon ga kamn dö Luḃaht ad ndö kwoia aou roat. Luḃah a ela ta inṅ Jésus kidön elji kam Tat lo Luḃah: Oiyoy, inṅ ḃer kimaj ki kiro, i da roi ngèra nya kirot dö nyagt kitenḃè, m'a m'ndai dö nyagt kingaiṅbè, and kam ronelt lo Ngèi – Matt. 25:21. Su aou ki töḡ dö dé al ta kitö kwoi déḡ kijaḃat lo Luḃah i nya kikösgön ngaiṅ nö Braḃét – Ps. 116:15. M'ò ndi-ta mad koki döṅ dorant an: Ngéronel la inṅ ngékwoig ingin woin kam killàḃert in ran adin Braḃé nèbè kinöt – TNM 14:13.

I de ki ngètida ngwon maḡtub inten in öji nya kikam ngarkamit! Ki Luḃah ra séi kad i ada ngarkami kitö i Ngètari. Tajigjigla ndi eli an: Ngwonm, adm kami! – Ter. 23:26. Ad Jésus ngarkami in töga goto, Su ndi goola. Jésus a adi ngarkam kikij ki ndil kikij kamit. Oot kad ngarkami kimajal gooli ad i aou go nyurköṅt loa kitö Ta lo Luḃah el an: Dé ki ngèḃakul taköj kikimnt inṅ kibé anè i ḃood na dé ki ngèndia kigo tert anè, a aj – Ter. 28:26. I nya go majalkira kö na i tiṅya'na ki nyara kidanna kitö nyaba majalkira i kwoi na kadkari ki Luḃah ad kigo kamkeṅt lon i kumkajir kimbaṅ kinöt natki Christ Jésus ki

Braḅé loji – Rom. 6:23.

I dé ki ngèkadrota, i ad roi Luḅah na tajigla i hö nya in i ngah kokiroat sem. A i ra tög ra titbè kitakul kadrota ki tar kikam Jésus Christ tit inhaḅ Paul el'n kam maktubt in ndàng an: M'ger Christ ra tög ngöḅm nya in m'laa jiat mbaḅ ndöt kinu – 2 Tim. 1:12. I ra roi kidöḅ kam kadrotat, el ta ki Luḅah kitakul Ndil Kikunjrang. I rà bijir kam tart lo Luḅah, ur kumi kidö Jésus in i rob ki rota ki kumkajir, i Braḅé loji in a tel ré doningt nè kitö kaouji kiront jinn dég loa. Jésus i Ngar dö ngargt ki Braḅé dö braḅégt tubè.

Tajigla kössgön ki dö Luḅaht in ra tög ngöḅmi ad i so al, ki ndai nö kunjt lon kiràngereng kikanj ta mad döit kam ronelt kidumbit! Ki kössgön i dö Luḅaht kikirabèdo, Ngèkajji kitakul Jésus Christ ki Braḅé loji, ki maj kitoitöi, ki tög kitoitöi, ki köḅhé, ketté nö kohgt tubè, ki tajigla tö, kimbaḅ ki kohgt lo kohg, amen! – Jude 24–25.

Copyright ANGP

ISBN O 908412 89 4

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique finacee de dons

Missao de literatura Evangelica financiada por donativos

(Reg. No. 1961/001798/08)